

BOSNA I HERCEGOVINA
FEDERACIJA BOSNE I HERCEGOVINE
JAVNO PREDUZEĆE
NACIONALNI PARK „UNA“ d.o.o.
Broj: 01–1566/25
Bihać, 03.06.2025. godine

Na osnovu člana 70. stav 1., 3. i 6. a u vezi sa članom 64. stav (1) tačka b Zakona o javnim nabavkama („Službeni glasnik BiH“, broj: 39/14, 59/22 i 50/24) i preporuke Komisije date u Zapisniku o pregledu i ocjeni ponuda broj: 01–1551/25 od 02.06.2025. godine, Ugovorni organ–v.d. direktora JP Nacionalni park „Una“ d.o.o. Bihać *donosi*

ODLUKU
O
IZBORU NAJPOVOLJNIJEG PONUĐAČA

I

Prihvata se Preporuka Komisije za javne nabavke data u Zapisniku o pregledu i ocjeni ponuda broj: 01–1551/25 od 02.06.2025. godine te se ugovor o nabavci usluga najma opreme (ozvučenje, rasvjeta, bina, krov, LED ekran) sa montažom i demontažom iste za potrebe održavanja muzičkih koncerata u sklopu 51. ITUR, dodjeljuje ponuđaču **„MEGA ZVUK–Sound&Light“ Bihać**, ul. Ešrefa Kovačevića H 15/8, Bihać, za ponuđenu cijenu u iznosu od **29.700,00 bez PDV–a**, prema Ponudi broj: 01–1502/25 predanoj dana 28.05.2025. godine u 11:00 sati, kao najbolje ocijenjenoj.

II

Izabrani ponuđač je dužan dostaviti dokaze o kvalificiranosti, u pogledu lične sposobnosti, u roku od 5 (pet) dana, od dana zaprimanja obavještenja o rezultatima ovog postupka javne nabavke.

III

Ugovor o nabavci usluga dostavit će se na potpis izabranom ponuđaču iz tačke I ove Odluke, u roku od 10 dana od dana obavještanja učesnika postupka o izboru najpovoljnijeg ponuđača.

IV

Ova odluka će se dostaviti svim ponuđačima koji su učestvovali u postupku javne nabavke te objaviti na web stranici JP Nacionalni park „Una“ d.o.o. Bihać.

Obrazloženje:

Komisija za nabavku je postupajući po datim ovlaštenjima, na otvorenom sastanku na kojem je izvršeno javno otvaranje ponuda, održanom dana 28.05.2025. godine u 12,00 sati, konstatovala da su do krajnjeg datuma za predaju ponuda, 28.05.2025. godine do 11,30 sati, blagovremeno pristigle ponude sljedećih ponuđača:

- 1. „STAGE ART“ d.o.o. Bihać** (Ponuda broj: 01–1468/25 predana dana 26.05.2025. godine u 11:41 sati);
- 2. „MEGA ZVUK–Sound&Light“ Bihać** (Ponuda broj: 01–1502/25 predana dana 28.05.2025. godine u 11:00 sati).

Komisija konstatuje da neblagovremeno pristiglih ponuda nema te da ostala zainteresirana lica koja su preuzela tendersku dokumentaciju, nisu predali svoje ponude.

Na zatvorenom sastanku koji je održan istog dana 28.05.2025. godine, Komisija je analizirajući priloženu dokumentaciju te provjerom njenog suštinskog sadržaja i validnosti, utvrdila da su ponuđači: „**STAGE ART**“ d.o.o. Bihać i „**MEGA ZVUK–Sound&Light**“ Bihać kvalificirani i da sadržaj ponude i način pripreme ponude navedenih ponuđača odgovara svim uvjetima definiranim Tenderskom dokumentacijom broj: 01–1308/25 od 14.05.2025. godine.

Nakon toga Komisija je utvrdila rang listu kvalificiranih ponuđača te financijsku vrijednost pristiglih ponuda bez uračunatog PDV-a prije zakazivanja e–Aukcije kako slijedi:

R/b	PONUĐAČ:	IZNOS PONUDE bez PDV-a (KM):	POPUST (KM)	IZNOS PONUDE SA POPUSTOM bez PDV-a (KM):
01.	„MEGA ZVUK – Sound & Light“ Bihać	33.000,00 KM	3.300,00 KM	29.700,00 KM
02.	„STAGE ART“ d.o.o. Bihać	50.000,00 KM	15.000,00 KM	35.000,00 KM

Kriterij za ocijenu ponuda kvalificiranih ponuđača koji je utvrđen tenderskom dokumentacijom je najniža cijena.

Nadalje, Komisija je konstatovala da vrijednost javne nabavke po procjeni ugovornog organa iznosi:

– **35.000,00 KM bez PDV-a.**

To su sredstava planirana Planom poslovanja Javnog preduzeća Nacionalni park „Una“ d.o.o. Bihać za 2025. godinu – Rashodi pod rednim brojem 5.2.

Cijeneći navedeno, Komisija za nabavku je prije provođenja postupka e–Aukcije, utvrdila da se cijene kvalificiranih ponuđača: „**MEGA ZVUK–Sound&Light**“ Bihać i „**STAGE ART**“ d.o.o. Bihać nalaze u okvirima procijenjene vrijednosti javne nabavke.

Komisija za nabavku je zastala sa radom jer se provodi postupak e-Aukcije u skladu sa Pravilnikom o uslovima i načinu korištenju e-Aukcija („Službeni glasnik BiH“, broj: 80/23).

U skladu sa svim gore navedenim Komisija je prije provođenja postupka e–Aukcije sačinila Zapisnik o pregledu i ocjeni ponuda broj: 01–1505/25 od 28.05.2025. godine u kojem se utvrđivala prihvatljivost ponuda ponuđača i prvobitna rang lista cijena ponuđača.

Postupak e–Aukcije počeo je dana 02.06.2025. god. u 12:00:00 sati, a završio je istog dana u 12:10:00 sati.

Nakon provedenog postupka e–Aukcije utvrđena je konačna rang lista kvalificiranih ponuđača te je financijska vrijednost ponuda bez uračunatog PDV-a slijedeća:

R/b	PONUĐAČ:	IZNOS PONUDE bez PDV-a (KM):	POPUST	IZNOS PONUDE SA POPUSTOM (KM):
01.	„MEGA ZVUK – Sound & Light“ Bihać	29.700,00 KM	-	-
02.	„STAGE ART“ d.o.o. Bihać	35.000,00 KM	-	-

Na osnovu svega gore navedenog i preporuke Komisije date u Zapisniku o pregledu i ocjeni ponuda broj: 01-1551/25 od 02.06.2025. godine, Ugovorni organ donosi ovu Odluku o izboru najpovoljnijeg ponuđača i ugovor o nabavci usluga najma opreme (ozvučenje, rasvjeta, bina, krov, LED ekran) sa montažom i demontažom iste za potrebe održavanja muzičkih koncerata u sklopu 51. ITUR, dodjeljuje ponuđaču „MEGA ZVUK-Sound&Light“ Bihać, za ponuđenu cijenu od **29.700,00 KM bez PDV-a**.

Izabrani ponuđač je dužan dostaviti dokaze o kvalificiranosti, u pogledu lične sposobnosti u roku od 5 (pet) dana od dana zaprimanja obavještenja o rezultatima ovog postupka javne nabavke, i to slijedeće:

1. Lična sposobnost:

- a) uvjerenje nadležnog suda kojim dokazuje da u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca; **NAPOMENA: U smislu odredbi člana 45. stav (1) tačka a), u vezi sa stavom (2) tačka a) iste odredbe Zakona dostavljaju se dva uvjerenja i to: Uvjerenje Suda BiH i Uvjerenje Suda prema sjedištu pravnog lica, odnosno kandidata/ponuđača.**
- b) uvjerenje nadležnog suda ili organa uprave kod kojeg je registriran ponuđač kojim se potvrđuje da nije pod stečajem niti je predmet stečajnog postupka, da nije predmet postupka likvidacije, odnosno da nije u postupku obustavljanja poslovne djelatnosti;
- c) uvjerenja nadležnih institucija kojim se potvrđuje da je kandidat/ponuđač izmirio dospjele obaveze, a koje se odnose na doprinose za penziono i invalidsko osiguranje i zdravstveno osiguranje;
- d) uvjerenja nadležnih institucija da je kandidat/ponuđač izmirio dospjele obaveze u vezi s plaćanjem direktnih i indirektnih poreza.


Izabrani ponuđač je dužan dostaviti navedena uvjerenja u originalu ili ovjerenoj kopiji od strane nadležnog organa.

Dokaze o ispunjavanju uslova je dužan dostaviti u roku od 5 (pet) dana, računajući od dana zaprimanja obavještenja o rezultatima ovog postupka javne nabavke.

Iz navedenih razloga, primjenom člana 64. stava 1. tačka b.) Zakona o javnim nabavkama, odlučeno je kao u dispozitivu ove Odluke.

POUKA O PRAVNOM LIJEKU:

Protiv ove Odluke može se izjaviti žalba Ugovornom organu u pisanoj formi direktno, elektronskim putem ili preporučenom poštanskom pošiljkom najkasnije u roku od 5 (pet) dana od dana prijema ove Odluke.

v.d. Direktora:

Alen Zulić

Dostaviti:

- 1. „MEGA ZVUK – Sound & Light“ Bihać, ul. Ešrefa Kovačevića H 15/8, 77 000 Bihać;
- 2. „Stage Art“ d.o.o. Bihać, ul. Meše Selimovića 28, 77 000 Bihać;
- 3. Komisiji– u spis;
- 4. a/a.